



Broj: 16-12-16-5960-24/22  
I. Sarajevo, 01. 11. 2022. godine

Na osnovu člana 8. stav (2) tačka h) Zakona o Državnoj agenciji za istrage i zaštitu („Službeni glasnik BiH“, br. 27/04, 63/04, 35/05, 49/09 i 40/12), člana 70. st. (1), (2), (3) i (6) Zakona o javnim nabavkama („Službeni glasnik BiH“, br. 39/14 i 59/22), na preporuku Komisije za nabavke za potrebe Državne agencije za istrage i zaštitu u 2022. godini broj 16-12-16-5960/22 od 01.11.2022. godine, u postupku javne nabavke auto guma za potrebe Državne agencije za istrage i zaštitu, **d o n o s i**

### **ODLUKU**

o izboru najpovoljnijeg ponuđača u postupku javne nabavke  
auto guma za potrebe Državne agencije za istrage i zaštitu

#### Član 1.

U postupku javne nabavke auto guma za potrebe Državne agencije za istrage i zaštitu (daljem tekstu: Agencija), putem Konkurentskog zahtjeva za dostavljanje ponuda, na preporuku Komisije za nabavke za potrebe Državne agencije za istrage i zaštitu u 2022. godini broj 16-12-16-5960/22 od 01.11.2022. godine, okvirni sporazum za period od dvije godine, dodijeljuje se ponuđaču „UNITRADE d.o.o. Ljubuški“, ponuda broj 16-12-16-5960-19/22 od 20.10.2022. godine, za ponudenu cijenu u iznosu od 17.419,38 KM bez uračunatog PDV-a.

#### Član 2.

Ova odluka se dostavlja ponuđačima najkasnije u roku od sedam dana od dana donošenja Odluke, uz istovremeno objavljivanje na internetskoj stranici Agencije.

#### Član 3.

Za izvršenje ove odluke zadužuje se Sektor za materijalno-finansijske poslove Agencije.

#### Član 4.

Ova odluka stupa na snagu danom donošenja.

### **O b r a z l o ž e n j e**

Odlukom broj 16-12-16-5960-1/22 od 30.08.2022. godine pokrenut je postupak javne nabavke auto guma za potrebe Agencije, procijenjene vrijednosti 15.600,00 KM bez uračunatog PDV-a, za koji je obavještenje o javnoj nabavci broj 1161-7-1-181-3-36/22 od 02.09.2022. godine objavljeno na Portalu javnih nabavki. Novčana sredstva za realizaciju

navedene nabavke obezbijedena su u okviru budžetskih sredstava za 2022. godinu, a na osnovu Zakona o budžetu institucija Bosne i Hercegovine i međunarodnih obaveza Bosne i Hercegovine za 2022. godinu („Službeni glasnik BiH“, broj 42/22). Za navedeni postupak javne nabavke predviđena je e-aukcija, u skladu sa odredbama Pravilnika o uslovima i načinu korištenja e-aukcije („Službeni glasnik BiH“, broj 66/16) (u daljem tekstu: Pravilnik). Ponuđač „EURO DAM-JAS d.o.o Lukavac“ dana 12.09.2022. godine izjavio je žalbu na Tendersku dokumentaciju zbog pogrešne primjene odredbi Zakona o javnim nabavkama (u daljem tekstu: Zakon). Agencija je žalbu zajedno sa Izjašnjenjem dostavila Uredu za razmatranje žalbi, koji je žalbu ponuđača „EURO DAM-JAS d.o.o Lukavac“ odbacio kao neurednu. Nakon toga Agencija je donijela Izmjenu konkurentskog zahtjeva za dostavljanje ponuda od 12.10.2022. godine, za koje je ispravka obavještenje o nabavci broj 1161-7-1-181-8/44/22 od 13.10.2022. godine objavljena na Portalu javnih nabavki. Dana 17.10.2022. godine ponuđač „EURO DAM-JAS d.o.o Lukavac“ uložio je žalbu na Tendersku dokumentaciju i Izmjenu tenderske dokumentacije, u okviru Konkurentskog zahtjeva za dostavljanje ponuda za javnu nabavku auto guma za potrebe Agencije. Agencija je Zaključkom broj 16-12-16-5960-21/22 od 20.10.2022. godine odbacila žalbu firme „EURO DAM-JAS d.o.o Lukavac“, kao neblagovremenu, iz razloga što je Agencija zaključila da podnošenjem nove, druge žalbe na Konkurentski zahtjev i Izmjene konkurentskog zahtjeva, u kojima nije mijenjan niti jedan podatak koji bi uticao na pripremu ponuda, već je iz razloga odgađanja postupka zbog podnošenja prve žalbe žalitelja produžen rok za prijem ponuda, a nakon odlučivanja Ureda za razmatranje žalbi po žalbi, imajući u vidu činjenicu da je od dana podnošenja prve žalbe do odlučivanja po istoj proteklo više od 20 dana.

Komisija je dana 20.10.2022. godine u 14,00 sati izvršila javno otvaranje ponuda, te konstatovala da su blagovremeno dostavljene ukupno dvije ponude i to:

R/B	Naziv/ime ponuđača	Ponuđena cijena (bez PDV-a) u KM
1.	„UNITRADE d.o.o. Ljubuški“	17.419,38 KM
2.	„GUMA VP 200 d.o.o. Mostar“	15.470,30 KM

Komisija je nakon otvaranja ponuda u smislu člana 63. st. (5) i (6) Zakona, sačinila Zapisnik o otvaranju ponuda i isti u roku od tri dana, od dana otvaranja, dostavila ponuđačima. Postupak je dalje nastavljen u smislu pregledanja dokumentacije priložene uz svaku pojedinačnu ponudu, a u cilju ocjenjivanja svakog pojedinačnog ponuđača, te njihove kvalifikovanosti shodno uslovima navedenim u Konkurentskom zahtjevu.

Komisija je utvrdila da ponuđači „UNITRADE d.o.o. Ljubuški“ i „GUMA VP 200 d.o.o. Mostar“, ispunjavaju kvalifikacione uslove u pogledu njihove lične sposobnosti, sposobnosti obavljanja profesionalne djelatnosti i ekonomske i finansijske sposobnosti, kao i formalno-pravne uslove iz Konkurentskog zahtjeva.

Komisija je od Sektora za materijalno-finansijske poslove aktom broj 16-12-16-5960/22 od 25.10.2022. godine tražila stručno mišljenje, da li ponuđene auto gume ponuđača „UNITRADE d.o.o. Ljubuški“ i „GUMA VP 200 d.o.o. Mostar“, ispunjavaju tehničke uslove postavljene u Konkurentskom zahtjevu. Sektor za materijalno-finansijske poslove je aktom od 27.10.2022. godine dostavio je stručno mišljenje, u kojem je navedeno da tehničke karakteristike zimskih guma ponuđača „UNITRADE d.o.o. Ljubuški“ u potpunosti odgovaraju zahtjevu postavljenom u Konkurentskom zahtjevu, dok tehničke karakteristike zimske gume ponuđača „GUMA VP 200 d.o.o. Mostar“, dimenzije 185/R15 ne odgovaraju u potpunosti zahtjevu Agencije, obzirom da je indeks vanjske buke trebao iznositi maksimalno 68 dB. Naime, Konkurentskim zahtjevom u Tehničkoj specifikaciji auto guma (minimalne i maksimalne tehničke karakteristike, koje ponuđene auto gume moraju ispunjavati), propisano je da pod rednim brojem 3. Zimska guma dimenzija 185/65 R15, indeks vanjske buke u dB treba iznositi maksimalno 68 dB. Međutim, ponuđač „GUMA VP 200 d.o.o. Mostar“, dostavio je zimske gume dimenzija 185/65 R15, sa indeksom vanjske buke od 69 dB. Uvažavajući mišljenje Sektora za materijalno-finansijske poslove, Komisija je utvrdila da

ponuđene gume ponuđača „GUMA VP 200 d.o.o. Mostar“ ne ispunjavaju tehničke uslove iz Konkurentskog zahtjeva, te Komisija ponudu ponuđača „GUMA VP 200 d.o.o. Mostar“ nije uzela u dalje razmatranje.

Kako je dostavljena jedna prihvatljiva ponuda, Komisija nije zakazivala e-aukciju u skladu sa članom 3. stav (3) Pravilnika, već je postupak javne nabavke auto guma za potrebe Agencije okončan u skladu sa članom 69. Zakona, primjenjujući kriterij najniže cijene tehnički zadovoljavajuće ponude iz tačke 8. Konkurentskog zahtjeva i sačinila rang listu ocijenjene ponude, kako slijedi:

R/B	Naziv/ime ponuđača	Ponuđena cijena bez uračunatog PDV-a u KM
1.	„UNITRADE d.o.o. Ljubuški“	17.419,38 KM

Komisija je prihvatila ponudu ponuđača „UNITRADE d.o.o. Ljubuški“ iako premašuje procijenjenu vrijednost javne nabavke, obzirom da se radi o zaključivanju okvirnog sporazuma na period od dvije godine, te da ukupna plaćanja bez PDV-a na osnovu svih pojedinačnih ugovora sklopljenih na osnovu tog okvirnog sporazuma, ne smiju prelaziti procijenjenu vrijednost javne nabavke.

Cijeneći naprijed navedeno, prihvaćena je preporuka iz Izvještaja o radu Komisije i odlučeno da se okvirni sporazuma na period od dvije godine dodijeli ponuđaču „UNITRADE d.o.o. Ljubuški“, kako je navedeno u članu 1. ove odluke.

Pouka o pravnom lijeku: Protiv ove odluke može se izjaviti žalba Uredu za razmatranje žalbi Bosne i Hercegovine, u roku od pet dana od dana dostavljanja iste. Žalba se podnosi putem Državne agencije za istrage i zaštitu.

Na izjavljenu žalbu ponuđač je obavezan platiti naknadu u skladu sa članom 108. Zakona o javnim nabav

DOSTAVLJENO:

- Ponuđačima 2x;
- Sektoru za mat.-fin. poslove;
- a/a.

GLAVNI GENERALNI INSPEKTOR POLICIJE

DARKO ČULUM

